

zu den zänckischen Geistern/ bey welchen eitel vn-
 einigkeit zu finden. Dahero vermanet Christus
 selbst Matth. 5. Sey wilfertig deinem Widersa-
 cher bald/ weil du noch bey ihm auff dem Wege bist/
 auff das dich nicht der Widersacher dermal eins
 vberantworte dem Richter / vnd der Richter vber-
 antworte dich dem Peiniger/ vnd du werdest in den
 Kercker geworffen/ Warlich / ich sage dir/ du wirst
 von danen nicht heraussere kommen/ bis du auch den
 letzten Heller bezahlest. Es solten auch hieran
 gedenccken alle vnzüchtige Leute/ den es wol ehe ge-
 schehen/dz Huren vn Buben/ mit ehren zu meldē/in
 frischer that ergriffen/von Gott mit donner vn blitz
 erschlagē worden/welches aus den historien köndte
 dar gethan werden/so es die noth erforderte. Gott
 der heilige Geist hat vns dis als selbst ein Exempel
 auffgezeichnet/ander Midianitin / welche sampt i-
 rem vnzüchtigen Buben auff freyer that ergriffen /
 vnd von dem Priester Phinea mit einem Speer
 durchstoichen worden sein/Num. 25. Wer nun al-
 so ergriffen wird/weh ihm / da wird es heissen / wie
 ich dich finde/ so richte ich dich/ vnd weil sie denn als
 Hurer vn Ehebrecher erfunden werden/ so sol auch
 das schreckliche Gericht vber sie ergehen / das inen
 S. Paulus gesprochen/ Gal. 5. Die Hurer vnd
 Ehebrecher sollen das Reich Gottes nicht besitzen.
 B 2 Dessen